

Bosna i Hercegovina
Federacija Bosne i Hercegovine

KANTON SARAJEVO
Vlada



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-23889-3/12
Sarajevo, 24.08.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **83.** sjednici održanoj **24.08.2012.** godine, donijela je sljedeći

Z A K L J U Č A K

1. Utvrđuje se Prijedlog odluke o izmjenama Odluke o osnivanju lovišta na području Kantona Sarajevo ("Službene novine Kantona Sarajevo", broj: 17/10).
2. Predlaže se Skupštini Kantona Sarajevo da u skladu sa Poslovnikom Skupštine Kantona Sarajevo doneše odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo privrede
5. Evidencija
6. Arhiva



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



PRIJEDLOG

Na osnovu člana 18. tačka b) Ustava Kantona Sarajevo (“Službene novine Kantona Sarajevo”, br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), a u skladu sa članom 31. stav (2) Zakona o lovstvu (“Službene novine Federacije Bosne i Hercegovine” broj: 4/06 i 8/10) i članom 3. stav (1) Pravilnika o načinu određivanja i obilježavanja granica lovišta i postupku osnivanja lovišta u Federaciji Bosne i Hercegovine (“Službene novine Federacije Bosne i Hercegovine” broj 5/08) Skupština Kantona Sarajevo, na sjednici od _____ 2012. godine, donijela je

O D L U K U O IZMJENAMA ODLUKE O OSNIVANJU LOVIŠTA NA PODRUČJU KANTONA SARAJEVO

Član 1.

(1) U Odluci o osnivanju lovišta na području Kantona Sarajevo (“Službene novine Kantona Sarajevo” broj: 17/10) (u daljem tekstu: Odluka) u članu 7. stav (1) alineja d) mijenja se i glasi: “d) Površina lovišta: 15.608,20 ha”.

(2) U stavu (2) riječi (“Službene novine Kantona Sarajevo” broj: 29/03) mijenjaju se i glase (“Službene novine Kantona Sarajevo” broj 6/10).
Član 2.

(1) U članu 8. stavu (1) riječi “Stari Grad” brišu se.

(2) U istom stavu alineja d) mijenja se i glasi: “d) Površina lovišta: 14.332,80 ha”.

(3) U stavu (2) iza riječi “mirovnim sporazumom” dalji tekst mijenja se u cijelosti i glasi: “Dalje granica lovišta ide u pravcu jugozapada granicom između Entiteta do kote “Lipnik” (1168) odakle u pravcu jugozapada preko Karaule dolazi na administrativnu granicu općina Ilijaš i Stari grad. Dalje granica lovišta ide administrativnom granicom općina Ilijaš i Stari grad koju prati u pravcu sjeverozapada, a potom u pravcu jugozapada i dolazi do granice zaštićenog područja “Spomenik prirode Skakavac” (opisanom Zakonom o proglašenju šireg područja vodopada “Skakavac” spomenikom prirode “Službene novine Kantona Sarajevo” broj 11/10) (u daljem tekstu: “Spomenik prirode Skakavac”). Ovdje granica lovišta mijenja smjer i nastavlja granicom “Spomenika prirode Skakavac” u pravcu sjeverozapada, a potom u pravcu jugozapada dolazi do kote 1066 gdje napušta granicu zaštićenog područja “Spomenik prirode Skakavac” i nastavlja administrativnom granicom općina Ilijaš i Vogošća u pravcu jugozapada preko kote “Brdo”, kote “Baktijevice” odakle u pravcu sjeverozapada preko kote “Bečirevac” (1129) i Dubovo jarka silazi na Magistrani put Sarajevo - Olovo. Ovdje granica lovišta napušta administrativnu granicu općina, mijenja smjer i u pravcu sjeveroistoka ide magistralnim putem Sarajevo – Olovo i dolazi do administrativne granice općine Ilijaš sjeveroistočno od kote 1032 odnosno početne tačke opisa granice lovišta “Lipnik”.”.

Član 3.

(1) U članu 9. stav (1) riječ “Centar” briše se.

(2) U istom stavu alineja d) mijenja se i glasi: “d) Površina lovišta: 7.027,50 ha”.

(3) U stavu (2) iza riječi ““Lokve” (907)” dalji tekst mijenja se u cijelosti i glasi: “Granica lovišta dalje ide u pravcu sjevera preko kote 905, Završja te u pravcu sjeveroistoka potokom Ponijerak, preko Mlakve i Kameničke strane ispod naseljenog mjesta Vlašić skreće u pravcu istoka i jugoistoka dolazi na rijeku Ljubinu odnosno put Sarajevo - Tuzla dijelom isti prati u pravcu jugozapada kada skreće u pravcu jugoistoka te preko kote “Bečirovac” (1129) preko izvorišta Kožljanskog potoka i Baktijevice, kote 1127 dolazi na kotu “Brdo” i nastavlja do

kote 1066 iznad naseljenog mjesta Ubare kada mijenja smjer napušta administrativnu granicu općine Vogošća i u pravcu juga prati granicu "Spomenika prirode Skakavac" opisno grebenom silazi do Peračkog potoka. Ovdje granica lovišta mijenja smjer te nastavlja administrativnom granicom Općine Vogošća u pravcu jugozapada nizvodno koritom Peračkog potoka, a onda u pravcu jugoistoka prateći administrativnu granicu Općine Vogošća dolazi ispod kote "Lopata" (1103) te u pravcu jugozapada također administrativnom granicom općine preko kote "Bjelosava" (1096), zapadno od kote 1076, preko kote 944, zapadno od kote 722, zapadno od kote "Brijeg" (703) dolazi u naselje Kobilja Glava do raskrsnice na put Sarajevo - Vogošća odnosno početne tačke opisa granice lovišta "Kremeš"".

Član 4.

(1) U članu 10. stav (1) alineja d) mijenja se i glasi: "d) Površina lovišta: 13.029,9 ha".

(2) U stavu (2) iza riječi "Orlić" (876) dalji tekst mijenja se u cijelosti i glasi "Dalje granica lovišta prati administrativnu granicu općine Centar i u pravcu sjeveroistoka preko naseljenog mjesta Kobilja glava, nastavlja u istom pravcu i obilazi sa zapadne strane kotu "Brijeg" (703) i kotu 722, preko kote 944, zapadno od kote 1076, preko kote "Bjelosava" (1906) nastavlja administrativnom granicom općine Centar i sa zapadne strane obilazi kotu "Lopata" (1103) te u pravcu sjeverozapada silazi u Perački potok. Ovdje granica mijenja pravac i nastavlja administrativnom granicom Općine Centar u pravcu sjeverostoka i užvodno koritom Peračkog potoka dolazi do granice "Spomenika prirode Skakavac" koju prati u pravcu jugoistoka i sjeveroistoka do kote "Vratolom" (1494). Dalje granica lovišta nastavlja u pravcu sjeveroistoka granicom "Spomenika prirode Skakavac" i u pravcu sjeverozapada dolazi do administrativne granice Općine Stari Grad i Ilijaš gdje napušta granicu zaštićenog područja "Spomenik prirode Skakavac" i nastavlja administrativnom granicom Općine Stari Grad u pravcu sjeveroistoka, a potom u pravcu jugoistoka i dolazi na granicu između Entiteta odnosno do početne tačke opisa granice lovišta "Bukovik"".

Član 5

Član 14. mijenja se i glasi "Kantonalna javna ustanova za zaštićena područja Kantona Sarajevo koja upravlja „Zaštićenim pejzažom Bijambare“, „Spomenikom prirode Skakavac“ i „Spomenikom prirode Vrelo Bosne“ gospodari sa divljači u skladu sa odredbama Zakona o proglašenju zaštićenog pejzaža „Bijambare“ („Službene novine Kantona Sarajevo“ broj 6/10), Zakona o proglašenju šireg područja vodopada „Skakavac“ spomenikom prirode („Službene novine Kantona Sarajevo“ broj 11/10), Zakonom o proglašenju spomenika prirode „Vrelo Bosne“ („Službene novine Kantona Sarajevo“ broj 6/10) i Zakona o lovstvu („Službene novine Federacije Bosne i Hercegovine“ broj: 4/06 i 8/10)."

Član 6

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Sarajevo,
Broj:

PREDSJEDAVAJUĆA SKUPŠTINE
KANTONA SARAJEVO

Prof. dr. Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ove Odluke sadržan je u članu 18. tačka b) Ustava Kantona Sarajevo (“Službene novine Kantona Sarajevo”, br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), članu 31. stav (2) Zakona o lovstvu (“Službene novine Federacije Bosne i Hercegovine” broj 4/06 i 8/10) i članu 3. stav (1) Pravilnika o načinu određivanja i obilježavanja granica lovišta i postupku osnivanja lovišta u Federaciji Bosne i Hercegovine (“Službene novine Federacije Bosne i Hercegovine” broj 5/08).

RAZLOZI ZA DONOŠENJE

Donošenjem Zakona o lovstvu (“Službene novine Federacije BiH” broj: 4/06 i 8/10) proistekla je obaveza kantona da donešu Odluku o osnivanju lovišta na svom području, kojim bi se na efikasniji način uredila organizacija lovstva, obezbijedile mjere za uzgoj, zaštitu, lov i korištenje divljači i uređenje lovišta i lovljenja divljači, u skladu sa Lovno-gospodarskom osnovom, godišnjim planovima gospodarenja lovištima i obezbjeđenja upotrebe divljači i lovišta koji doprinose očuvanju biološke raznolikosti ekoloških sistema i ekološke ravnoteže prirodnih staništa divljači.

Shodno navedenom, Skupština Kantona Sarajevo na sjednici održanoj dana 30.06.2010. godine donijela je Odluku o osnivanju lovišta na području Kantona Sarajevo (“Službene novine Kantona Sarajevo” broj: 17/10).

Lovačko udruženje “Sarajevo” Sarajevo osnovano 1894. godine uputilo je inicijativu za izmjene granice lovišta “Bukovik”. Razlog za upućivanje inicijative za izmjene granice lovišta “Bukovik” zasnivaju na smanjenju lovno-prodiktivne površine lovišta, otežanih aktivnosti lovog gospodarenja u navedenom lovištu, te traže da se lovište vrati u administrativne granice općina.

U cilju ocjene opravdanosti podnesene inicijative Ministarstvo privrede Kantona Sarajevo je Rješenjem broj: 07-06-26-22398-2/06 od 01.03.2012. godine imenovalo Stručnu komisiju koja je na sastancima održanim dana 13.03.2012. godine i 27.03.2012. godine jednoglasno podržala inicijativu Lovačkog udruženja “Sarajevo” Sarajevo o čemu su sačinjeni zapisnici.

Stručna Komisija je zapisnicima broj: 07-06-26-22398-3/06 od 13.03.2012. godine i 07-06-26-22398-3/06 od 27.03.2012. godine nakon opsežne rasprave uz uvažavanje Evropske povelje o lokalnoj samoupravi i Zakona o principima lokalne samouprave u Federaciji Bosne i Hercegovine kao i uz uvažavanje lovno-prodiktivne površine u lovištu “Bukovik” (u predhodnom opisu granica ovo lovište je imalo malu lovno-prodiktivnu površinu, a ista će biti dodatno smanjena zbog proglašenja novih područja zaštićenim) jednoglasno podržala inicijativu Lovačkog udruženja “Sarajevo” Sarajevo.

Stručna komisija uvažavajući odredbe člana 2. Pravilnika o načinu određivanja i obilježavanja granica lovišta i postupku osnivanja lovišta u Federaciji Bosne i Hercegovine (“Službene novine Federacije BiH” broj 5/08) smatra da je potrebno izmjeniti površine i dio opisa granica lovišta “Bukovik”, “Lipnik” i “Kremeš” kako je u Zapisniku komisije i navedeno.

Pored navedenog, u skladu sa Mišljenjem Javne ustanove za zaštićena područja Kantona Sarajevo tekst odluke o izmjenama Odluke o osnivanju lovišta na području Kantona Sarajevo je usklađen sa Zakonom o proglašenju zaštićenog pejzaža „Bijambare“ („Službene novine Kantona Sarajevo“ broj 6/10), Zakonom o proglašenju šireg područja vodopada „Skakavac“ spomenikom prirode („Službene novine Kantona Sarajevo“ broj 11/10), Zakonom o proglašenju spomenika prirode „Vrelo Bosne“ („Službene novine Kantona Sarajevo“ broj 6/10).

Ministarstvo privrede Kantona Sarajevo je na osnovu uvida u Zapisnike Stručne komisije, a u skladu sa Zakonom o lovstvu i Pravilnikom o načinu određivanja i obilježavanja granica lovišta i postupku osnivanja lovišta u Federaciji Bosne i Hercegovine ocjenilo da su izmjene Odluke o osnivanju lovišta na području Kantona Sarajevo opravdane i na osnovu istog je izrađen tekst izmjene navedene Odluke koji je dostavljen Vladi Kantona Sarajevo na razmatranje i usvajanje.

Shodno navedenom, predlažemo Skupštini Kantona Sarajevo da donese Odluku o izmjenama Odluke o osnivanju lovišta na području Kantona Sarajevo.

[POPRATNA DOKUMENTACIJA](#)